

志第十三册

龍游縣志卷三十一

縣人 余紹宋 輯

掌故

附志二

興復育嬰堂

掌故十四

紳士余福厚等籌育嬰經費公稟

具稟廉貢余福厚廩生方炳耀廩生余文吉貢生張樹本生員余述曾武生葉宗瀚

監生余殿揚等爲育嬰善舉經費短絀稟請出示勸諭抽釐以期經久事竊本邑向

有育嬰堂收養棄嬰同治初年賊踞龍城嬰堂被毀肅清後公產失業甚多善後事

宜紛繁雲集民間物力維艱所以育嬰公所迄未建復然收養棄嬰係屬極要善舉

他邑均已舉行故生等公議在於百壽會善舉捐款分撥收養遜年以來收養女嬰

甚衆除期限屆滿聽憑民間願領爲女爲媳或乳媪留作養女童媳不計外目下尙

有嬰女十數口按月支給乳資以及冬夏衣襖衫裙等件而百壽會捐資日形短絀

加以收育嬰女竟爾入不敷出若不預籌捐輸慮難經久生等竊見鄰近各邑凡屬商賈聚集之區皆有育嬰抽釐一項本邑自可仿行擬請在於本城驛前茶圩等處糧食山貨兩項行內如遇交易每錢一千文抽釐二文庶幾衆擎易舉經費裕如育嬰善舉可期經久而無匱乏之虞矣是否有當仰祈憲臺察核俯賜維持爲此公叩伏乞公祖大人作主准予出示勸諭抽釐以期善舉經久實爲德便 稟

光緒十二年九月十六日稟

正堂高批 本邑育嬰一事尙未舉辦前經該生等議在百壽會捐款內分撥收養茲因入不敷出議請在於本城驛前茶圩三處糧食山貨兩項交易內每錢一千文抽釐二文是否可行候諭飭該牙行等籌議稟復再行出示勸辦可也

知縣高英勸城鄉糧食山貨行捐助育嬰經費諭

諭城鄉糧食山貨行知悉案據原貢生余福原生方炳燿余文堃生員余述曾葉宗瀚貢生張樹本監生余殿揚等稟稱本邑向有育嬰堂收養嬰孩自遭匪擾嬰堂

被毀嗣因善後事宜紛繁民間物力維艱以致嬰堂迄未建復生等因事屬極要善舉故先在百壽會捐款內分撥收養近年收養甚衆百壽會捐資短絀人不敷出查鄰近各邑於商賈聚集之區皆有育嬰抽燧之案本邑似可仿行擬請飭令在城驛前茶圩三處糧食山貨兩項交易每錢一千抽燧二文以充育嬰經費稟請出示勸諭等情到縣據此查收養嬰孩爲地方要舉惟經費無出致難興復茲據稟貢生余福原等議請仿照鄰邑在於糧食山貨兩項交易每錢一千抽燧二文以充經費究竟是否可行商情曾否允洽如何抽助非由該牙行等公同等議不足以昭平允而孚衆議除稟批示外合行諭明該牙行等遵照迅將稟貢生余福原等所稟在於糧食山貨兩項交易每錢一千抽燧二文以充育嬰經費是否可行商情果否允洽且於進出應作何抽提抑或即在原抽口內量爲捐助速即邀集同業秉公妥籌議定章程限三日內據實復縣以憑核明示遵該牙行等均毋宕延干咎速速特諭

光緒十二年九月二十九日給

紳士余福虛等議定育嬰堂山貨捐章程公稟

具稟原貢余福虛原生方炳耀原生余文堯生員余述曾貢生張樹本武生葉宗瀚
監生余殿揚等爲議定章程稟請出示抽捐以資善舉事竊生等前以育嬰經費不
繼稟請在於在城茶圩等處糧食山貨兩項行內如遇交易每錢一千文抽捐錢二
文以濟育嬰經費等情當蒙諭飭各該行妥議去後茲據該牙行等供云事無不妥
請代轉稟出示曉諭生等伏查糧食山貨兩項之外尚有油蠟一項亦屬本邑土產
大宗應請與糧食山貨一例抽捐每洋一元抽洋二釐以昭公允再查附城驛前地
方向無糧食山貨油蠟牙行其無買賣交易可知生等前稟誤列應請刪除所有抽
捐育嬰係屬緊要善舉鄰邑仿行已久相安無事原非本邑創始生等現擬先於在
城茶圩兩處勸諭抽捐如果苦有成效將來四鄉市面聚集之區皆可仿照辦理建
造嬰堂恢復舊規咸於是賴爲此將會議章程開單稟送伏乞公祖大人察核俯賜
維持出示抽捐以資善舉澤沛靡涯上稟

一穀通行與各店自買者每擔歸賣者抽捐錢二文

一米過行與各店自買者每錢一千文歸賣者抽捐錢二文

一冬笋過行每錢一千文歸賣者抽捐錢二文

一油蠟過行每洋一元歸賣者抽捐洋二釐

一穀米袋頭下河每袋抽捐錢六文

一冬笋裝瓊下河每袋抽捐錢二文

一糧食山貨甚多難以枚舉凡有貨過行交易者每錢一千文俱歸賣者各抽捐錢

二文一體知照

正堂高 批查閱粘呈捐提育嬰經費章程所議公允尙屬可行但此事既經令飭各行戶議復自應俟其復到再行出示舉辦所請驛前地方免捐一節若無前項行家儘可置之不議如有亦應照辦否則有所藉口也

紳士請四鄉均抽山貨捐公稟

具稟原貢余福屋原生方炳燿武生葉宗瀚原生余文奎增生余述曾貢生張樹木
監生余殿揚爲育嬰善舉稟請一體出示抽釐以昭公允事竊生等前以育嬰經費
不繼議定章程先後稟請在於本城茶圩糧食山貨油蠟等項先請給示抽釐以資
育嬰經費等情蒙恩出示曉諭商情允洽無不樂從業於本月十五日爲始照章抽
捐並無異議但育嬰爲一邑之善舉除本城茶圩外尙有東鄉之湖鎮秧稻店南鄉
之官村蠶山溪口廟下西鄉之詹家潭石汪馬葉十都北鄉之鳳基坤蠻王殿橋頭
江等處悉屬貨物聚集之區商賈交易之所若不一例捐抽釐斷者得以觀覲反於
商情有礙爲此稟請伏乞老公祖大人察核一體分別出示以資善舉而昭公允實
爲公便焚祝上稟

正堂高 批據稟已悉准一體出示抽捐以充經費該生等仍將每年所收各處捐
錢及付給乳資逐月開摺報縣備查

光緒十三年閏四月二十三日

知縣高英准將吳昌住屋撥歸育嬰堂公用諭

育嬰紳董原貢余福原生方炳耀武生葉宗瀚等知悉案據客民張申安呈控吳柏福即吳昌佔踞出屋等情一案當經提案訊供張申安以張斐然戶住屋一座坐落司巷口雖爲伊族張姓原編之產究非伊手親置且伊係江右人氏管業不便願將是屋助入育嬰堂公用質之吳昌亦稱心服情愿各具遵結除諭飭莊書撥戶外合行諭飭諭到該紳等遵照立即偕同地保前詣司巷口查明前項所助房屋卽由該紳等公同勘明暫行封鎖以便撥作育嬰公所該紳毋稍遲延切切特諭

光緒十三年五月二十日

知縣高英興復育嬰堂通稟

大人閣下敬稟者竊照卑縣僻處偏隅兵燹後地方益形瘠苦四鄉溺女之風久成習慣呱呱墮地卽付沉淪不特有傷天地之和且於世道人心大有關係然而民雖至愚誰無人子此豈父母之本心哉質亦爲飢寒所迫故不覺殘忍至此耳卑職上

年抵任後嚴行示誡邑紳相邀同志曾立保嬰會爲禁助兼行之法顯以遏其殘忍之狼心隱以發其慈祥之天性現因收養人數較多難乎爲繼茲據邑紳余福厘等聯名稟稱本邑出產惟米穀山貨兩項爲多請仿照各邑嬰堂章程勸諭各行於出貨每千文抽助錢二文以爲嬰堂經費並稱該行商等樂善同心均各慨允請爲出示勸辦等情卑職以事屬善舉批准給示試行勸辦並將坐落邑城一都六圖司巷口充公房屋一所計樓上下十二間披廂兩廂助紳從新修葺以爲嬰堂各在案行將半載查各行抽助之捐尙稱踴躍而四鄉送養之嬰亦日益衆因思從前所立保嬰會係合二三同志輾轉勸募爲數甚微既未議有章程亦無專司紳董其事斷難持久今規模粗具捐項有資若不明定規條祇恐未能永遠卑職訪查浙省育嬰之法以湖郡爲最善爰函請烏程縣徐令查抄章程并參酌就地情形復加增損籌議局規三十條惟定章程固宜周密而治法尤貴治人因於邑紳中遴選公正邑紳徐復余福麻方炳耀葉宗瀚四人又於出捐之各行中選擇殷實客董葉嘉銳汪正汪

紹熙來觀瀾共計八人以爲堂董每邑董二人商董二人會同承管半年屆期則將半年中該紳董經手所收捐錢及收養嬰孩一切賬目轉交接辦之董週而復始以均勞逸并由接辦之董將前董所交各項銀錢賬目逐一查明稟報縣中稽考如有不符亦由接辦之董稟縣查追該董等仍每屆三月將堂中所收各捐報縣并於每年年終將一年收付各款彙刊徵信錄分給各捐戶查閱俾閉心跡如此在代收捐之商董現既躬衷其事自悉堂董實惠及於嬰孩慈祥爲念各捐戶卽不致妄疑李代桃溫施予不實其在經辦之邑紳本屬責無旁貸茲得商董共襄厥事痛癢共抱而代收者自亦不能捐多報少隱匿不符庶事歸核實法可經久矣卑職以事關地方善舉創始非易圖終久難慮其日久廢弛理合將創設嬰堂勸捐諭董籌議收養章程繕具清摺稟明立案是否有當伏候大人察核訓示祇遵實爲德便再現諭嬰堂紳董如有不洽輿論或辦理未臻妥善者仍由卑職隨時查察另行諭董舉充合併聲明恭請崇安伏乞慈鑒

光緒十三年十月二十五日行

育嬰堂條規

一創辦育嬰堂應先公舉經理之人總司其事以免推諉而專責成也查本邑嬰堂自遭兵燹規模具廢一無留遺其間雖經好善之士自邀同 設立保嬰會然未經官爲勸辦限於經費故並未議有章程亦無專主經理之人現在設立嬰堂收養嬰孩雖曰復舊實係創始自應先定經理之人俾事有統率人有專責不致茫無紀律茲於邑紳中遴選誠實端正者四人又於客董中遴選急公好善者四人每邑紳二人客董二人爲一班和衷會辦俟半年期滿遞交下班各紳接管以均勞逸該堂董仍於交接時舊董將半年中經手收支賬目及收養嬰數造冊轉交新董接辦並照錄一分呈縣查核堂內銀錢及保嬰一切事務均責成接辦董事經理仍由接辦董事將接收銀錢數目相符情由稟報縣中查考以免前後手互相推諉

一堂董承辦堂務應酌送轎資以免賠累而資經費也查各董承辦堂務如遇承值之季不能不日赴嬰堂經理事務唯天時有晴雨不齊來往亦朝暮無定自應各備肩輿以供使令雖目前經費無多未能酌送薪水然亦未可令該堂董等因公賠累茲定每季共酌送該堂董等轎資錢十二千文由四人勻分以資貼補其所送轎資即准在所收經費內按季支銷至於司事按月酌給薪水飯食錢二千四百文該司事應常用在堂不得擅離違卽更換其堂中應需紙張簿摺筆墨則由堂董在於公款內隨時購備以備應用

一收養嬰孩准其山乳婦領回寄養以廣收育也查本邑嬰堂房屋破毀無存現今吳昌案內充公房屋以爲嬰堂僅止前後兩進不敷居住且既經設立嬰堂則溺女之風自可漸息將來收養人數必多自應擴充其法不致人以地限悽止無所查湖郡育嬰章程內曾有在乳婦家寄養一條本邑自當仿照辦理以廣收育而

節經費

一吳昌案內撥充房屋一所前後兩進擬以後進三間兩塔廟一座爲棧止乳婦之
所以前進三間爲收嬰及堂董等居止處所惟門前向係店面牌門應加築磚墻
庫門其大門左開一大窗置一轉桶窗上大書接嬰處三字門前置嬰堂匾額及
懸粉牌二面禁止閑人毋許擅入

一乳婦宜立冊編號以便發嬰也凡年壯乳婦如欲赴堂領乳及願受寄養者應先
覓保赴堂報明由堂董詢明年歲姓名夫男住址並驗明乳色濃淡多寡及查其
所生子女已有若干月分或存或亡其收錄者卽先給一籤一面將前項各節註
明冊內並書明情願住堂及受寄字樣以便接嬰後按照冊內號數飭令赴堂領
嬰及發嬰受寄該乳婦受嬰後卽將前給竹籤繳還換給憑摺以憑按月支領乳
資倘所生子女已在一年之外及乳色清淡無多並有瘡疥疾病者應卽覆絕免
致悞事

一收接嬰孩亦宜專立一冊由堂董看明編號也凡有嬰孩送堂堂婦等於收接後

即將該嬰抱請堂董驗明旋髮面目疤痣及有無生辰八字逐一填註總冊編立字號其寄養之嬰應令堂婦將絲棉帶爲該嬰統項一周用白洋布縷口一面填寫號數一面蓋用圖記以免發出後掉換冒頂情弊其初送之時未經飭發寄養之先即着住堂乳足之婦暫行帶養每日加給錢二十文如無乳婦着堂婦設法暫哺乳資即歸堂婦收受一面急着司事趕緊覓雇乳娘

一守堂宜雇老媽一人以司接嬰並管束堂中乳婦及撫育斷乳後回堂嬰孩等事每月各給工食錢一千六百文至覓雇乳婦及令願爲寄養之家赴堂領嬰受寄均着司事前赴知會

一發嬰寄養宜按乳婦報堂先後號數聽候堂董換號飭發不得任由乳婦檢擇以杜流弊也查收養嬰孩原體天地好生之德並無彼此區別無如小民趨利若鶩罔顧禮義而是堂之設原指力難撫養恐其轉乎溝壑且經費有常亦豈能爲博施濟衆之事故不可不示限制以絕流弊但蚩蚩之氓原難責以見利思義之

況生育撫養又係婦女之事婦女類多小見往往有儘堪自食之家聞有領嬰寄養之條遂將所生嬰孩故置堂中一面仍自爲赴堂領養從此可以月得乳資則是名爲寄養實則親生其流弊將有不可勝言而久難爲繼者今欲絕其弊應將堂中所收棄嬰由堂董按照乳婦在堂具報之先後挨次飭發寄養不得攙越亦不得任由乳婦選擇然後再爲受寄如此則流弊自可永絕

一嬰孩衣裙支給宜有定數也凡有嬰孩到堂每嬰孩每年三月給單衣裙錢四百文十月給棉衣裙錢六百文堂內堂外一體照給並由堂董預製新布棉裙二十副如有抱送時衣裙破爛不堪穿著者即爲更換動支之後隨時添補堂中存備總以二十副爲限

一給發乳資宜分堂內堂外也凡年壯乳婦如有情願赴堂領嬰及在家受寄者赴堂報明註冊後如遇接有嬰孩即著司事按照赴報之後知會該乳婦令其即行進堂領嬰及赴堂領回受寄所有乳資以領嬰日起憑摺按月付給如係在堂者

每月給予工食錢一千八百文在家寄受者則仍可料理家務每月給予工食錢一千文憑摺按月散給

一支領乳錢宜有定期也查給發乳資紹郡係按月散給以每月二十八日爲期湖郡係按兩月一付以雙月之二十八日爲期今龍邑自應仿照紹郡辦理惟逢八係放告之期今改爲每月二十九日爲散給之期是日堂董卽帖請地方官及各紳到堂督同監放乳婦卽於是日抱同嬰孩聽候官紳驗明給予竹籤一支然後再山堂董憑籤發錢分別存摺入簿如離城路遠之處嚴寒盛暑之時准將嬰孩免其抱驗一月餘均按月抱驗免驗之月仍由堂董著令司事前往體查一次以期周密

一遇放堂之日堂董先期請官及各紳至期赴堂監臨驗放第谷鄉路途遠近不一各嬰又須逐一考驗恐非一時所能了事應由山堂中預備茶點一餐以充饑渴所有茶點錢文准予按數開支

一放堂時應驗明嬰孩之肥瘠以別等次而定賞罰也凡遇放堂之日應令乳婦將嬰抱送請驗並非過爲勞勩誠以謂他人子終不若親生之切貼不過欲藉此以察乳婦之勤惰使之不敢視若秦越然既經請驗即應量爲賞罰如該嬰驗係面色豐肥衣裙潔淨者卽於册內加蓋上等戳記若不豐不瘠衣裙楚楚者則蓋中等戳記如面目憔悴衣裙破爛者則蓋下等戳記上等三次則有賞中等三次則免議下等三次則有罰賞者則於乳資外另給花紅錢二百文以爲該乳婦酬勞之資罰者或另覓接乳或於乳資內扣給錢二百文總使該乳婦有所觀感儆畏而已

一送堂嬰孩如瘦瘠過甚患病垂危者卽留堂發交在堂乳婦小心接乳堂婦隨時察看如可醫治者卽報明堂董延醫診治俟醫痊或留堂或寄養再行酌辦

一收養各嬰固期其得遂長育而疾病殞傷亦所難免嗣後在堂在外各嬰如遇患病該乳婦務須小心調護一面報明堂中堂董卽飭司事前往查看仍由堂董察